


IN MEMORIAM
JASIKA MUSTAFA - ING. GEODEZIJE



2. septembra 1981.godine u 55.godini života umro je naš kolega, Jasika Mustafa, inženjer geodezije.

Jasika Mustafa, rođen je u Sarajevu 9. oktobra 1926.godine, gdje je završio Osnovnu školu i pohađao gimnaziju iz koje u 7. razredu odlazi u NCE. Po povratku iz NCE-e upisao se, a 1947. godine završio je Geodetski odsjek Srednje tehničke škole u Sarajevu, kao jedan od najboljih u prvoj generaciji geodetara školovanih u Bosni i Hercegovini.

Nakon završetka škole zaposlio se u preduzeću za geodetske radove "Gecrad", gdje se odmah istakao svojim radnim rezultatima i društvenim aktivnostima.

Od 1954.godine radi u Gradskom narodnom odboru u odsjeku za geodetske poslove, nakon toga u Urbanističkom zavodu grada Sarajeva, a zatim u Skupštini grada u odjeljenju za geodetske poslove Sekretarijata za urbanizam, na dužnosti šefa odsjeka za katastar podzemnih instalacija.

Nakon osnivanja Zavoda za izgradnju grada Sarajeva, radi u Sektoru za katastar komunalnih uređaja na radnom mjestu samostalnog stručnog saradnika, a kasnije koordinatora za komunalne uređaje, na kom mjestu ga zatiče smrt.

Uz sve radne i porodične obaveze uspio je da kao vanredan student završi studij na Višoj geodetskoj školi u Sarajevu.

Najveći dio svog radnog vijeka Mustafa je proveo na geodetskim poslovima u Sarajevu, gdje je sa velikim uspjehom obavljao raznovrsne poslove vezane za planiranje i izgradnju grada. Unosio je u svoj stručni rad cijelog sebe, ne žaleći truda ni vremena da sve čini brzo i kvalitetno. Svoje bogato stručno znanje i iskustvo nesebično je prenosio na mlađe kolege i saradnike, zbog čega je bio veoma cijenjen i cijenjen.

Za svoj samoprijegoran rad, od Predsjednika Republike druga Tita, odlikovan je ordenom rada.

Svoju aktivnost drug Jasika Mustafa ispoljavao je radom u raznim društvenim organizacijama. Učesnik je mladinskih radnih akcija

na izgradnji pruga Brčko - Banovići i Šamac - Sarajevo, gdje je proglašavan za udarnika. Bio je dugogodišnji član društva inženjera i tehničara Bosne i Hercegovine, a nekoliko godina i član republičkog odbora društva. I na taj način dao je svoj doprinos naporima za prosperitet i razvoj struke.

Kao sportista aktivno se bavio planiranjem. U planinarskom društvu "Treskavica" bio je više godina član uprave društva. Učestvovao je u mnogim planinarskim akcijama i manifestacijama. Za ovaj rad dobio je više društvenih priznanja.

Naš kolega Mustafa bio je vrlo druželjubiv. Volio je ljude. Svojom neposrednošću, skromnošću i iskrenošću sticao je velike simpatije, gdje god bi se pojavio. Zbog ovih plamenitih osobina, stekao je veliki broj prijatelja.

Njegovom srcu ostala je velika praznina, koju će svi oni koji su ga poznavali i sa njim drugovali, većma dugo osjećati.

Za sve ono što je u svom plodnom, ali kratkom životu učinio, neka mu je iskreno hvala.

Eugen Ciković